

火盡開顏

與西巖張閑話

莫問林泉莫問山清虛都在片心間若能常把人情遠遠盡人情便是閑

題新張村庵

身輕豈慮天涯遠性靜何愁地角賒京兆歸來當仲夏清庵快意日將斜

答楊漢卿

青霄有路果能攀要識真閑非等閑情性磨礱離四相調和真息透三關

道藏輯要

葆光集

三

胃集十

題馬谷觀音閣

馬谷來時正暮秋一溪雲水好程頭衆人不解予心樂飯罷從容獨上樓

儒士郭公以詩求安樂法

浩然一點要方圓直養無私滿大千變化往來三界外何愁耳順不延年

登前高山

地角天涯在目前前高堪作畫圖傳有人來問予名字無數松間一散仙

前高山得平遙眾官請書遂寄

新得前高代崢西松巖密茂數難知幼時常慕山中樂老也閑
居正合宜

身退三絕寄燕山同道

心退應當卽有年而今身退兩俱全玄玄妙妙忘談論淨淨清
清合自然

又

承教行緣數十年燕山宮觀稍周全終南再舉皆天意恰正歸
來事了然

又

學道隨師三十年功虧尙自未能全風波世路經千險誰解心

道藏輯要

葆光集

天

冒集十

頭只坦然

示眾

松風入耳昏沉少世事經心濁亂多幸遇洞天清絕處勸君休
縱睡魂魔

又

莫問修行淺與深道人影子道人心旣知道理分明處可惜輕
狂廢寸陰

寄平遙縣馬會首

馬公向老認前頭識破人間便好休且向太平尋久計閑人相
伴度春秋